



GU IKASTOLA

LAUDIO
ikastola

**(LIBURUXKA HONETAN
ATERATZEN DIREN
ARGAZKI GUZTIAK
LAUDIO IKASTOLAKO
GELETAN ATERA DIRA.
BERTON AGERTZEN DIREN
JARRERAK EGUNEROKO
EKIMENAK DITUGU GURE
IKASTOLAN).**

Argazkiak: Optura argazkigintza

Mila esker argazkietan agertzeko
baimena eman diguzuen guztiei.

1.- GURASOAK - KOOPERATIBA	9
1.1.- IKASTOLA-KOOPERATIBA	10
1.1.1.- IKASTOLEN ELKARTEA	13
1.1.2.- HERRI ONURA	15
1.1.3.- ERKIDE	16
1.2.- EGITURAKETA	18
1.3.- PARTAIDETZA	22
1.3.1.- FOROAK	22
1.3.2.- INFORMAZIO KANALAK	24
1.3.3.- ARRETA ZUZENA	27
1.4.- LAN KOOPERATIBOA	28
1.4.1.- AUZOLANA	28
1.4.2.- JANTOKIKO TXANDA	29



IKASTOLA BIDE LAGUN



GURASOAK - KOOPERATIBA



IKASTOLA- KOOPERATIBA

Zein da Ikastolaren lege izaera?

IKASTOLAREN KOOPERATIBA IZAERA

1971 URTEAN SORTUTAKO KOOPERATIBA DA LAUDIO IKASTOLA. GAUR EGUN BERE FUNTZIONAMENDUA ARAUTZEN DUTEN ESTATUTUAK 1995EKO EKAINAREN 15EAN BATZAR OROKORRAK ONARTUTAKOAK DIRA, KOOPERATIBEN LEGEDIAK EZARRITAKOARI EGOKITUTA DAUDE.

Estatutuen 2. artikulua Kooperatibaren helburua zehazten du:

1.- ELKARTEAREN HELBURUAK IKASLEEI HEZKUNTZA INTEGRALEKO ZERBITZUAK ESKAINTZEAN DATZA.

Hezkuntza hau euskaraz burutuko da, heziketa metodo eguneratuekin garatutakoa, irakasleriaren talde lan arduratsuaren bidez. Honez gain pluralista eta Euskal Herriko ideia, balore, giza, politiko eta erlijio aniztasunarekin adeitsua izango da.

2.- KOOPERATIBAREN HELBURUAK HEZKUNTZA JARDUERA JAKINTZAREN ETA PRESTAKUNTZAREN EDOZEIN ADARRETAN BERE MAILA, ETAPA, ZIKLO, GRADU ETA MODALITATE EZBERDINETAN GARATZEAN DATZA:

A.- ESKOLAZ KANPOKO EKINTZAK ZEIN OSAGARRIAK antolatu ahal izango dira, eta hezkuntza jarduera errazten duten eskola zerbitzuak eman.

B.- IKASLEEN HEZIKETA EUSKALDUNAREN GARAPENA, euskara eta euskal kulturaren garapen eta pizkundearen transmisioan jarrera aktiboa gara dezatela ahalbideratuko da.

C.- EUSKARA ETA EUSKAL KULTURA BULTZATZEKO helburuaz Euskal Herriko ikastolek eratutako organismoetan parte hartu eta indartuko da.

D.- HEZKUNTZAN ZUZENKI INPLIKATUTAKO

kolektiboek ikastolaren funtzionamenduan parte har dezatela bultzatuko da, partaidetza formulak proposatuz.

E.- ZIO SOZIALA GESTIO DEMOKRATIKOA ETA PARTAIDETZAREN BIDEZ GAUZATUKO DA,

Ikastola osatzen duten estamentu guztietara helduz, zentroaren autonomia gutxitu gabe eta Euskal Herriko Hezkuntza Proiektu propioa bultzatzen duten ikastolen kolektiboarekin elkarlanean.

F.- AURREKO LERROALDIETAN AIPATURIKO ELKARLANA KALTETU BARIK,

Kooperatiba bestelako edozein erakunde edo entitate publiko zein pribaturekiko autonomia eta independentzia osoz arituko da.

Zein da beste ikastolekiko harremana?

IKASTOLEN ELKARTEA

IKASTOLEN MUGIMENDUAN TXERTATUTA LAUDIO IKASTOLA IKASTOLEN MUGIMENDUAREN PARTAIDEA IZAN DA HASIERATIK, 1975ETIK IKASTOLEN ELKARTEKO PARTAIDE GARELAKO ETA KOLEKTIBO HONEN FORO ETA EGITURETAN PARTE HARTZEN DUGULAKO.

Ikastolen mugimenduan txertatua egoteak sare zabal batean lan egitearen abantaila guztiak ematen dizkigu: Administrazioen aurrean babesa, metodologia aurreratuenetan aitzindariak izatea, guk geuk ikasmaterialak sortzea, irakasleen eta administrarien etengabeko prestakuntza, proiektu berritzaileetan esku hartzea...

Ikastolak Euskal Herri osoa hartzen duen erakundeetan bilduta daude. Erakunde honek europar kooperatiba eredua hartzen du.

Hauxe da erakundearen administrazio-izena: Euskal Herriko Ikastolak Europar Kooperatiba Elkarteak.
Gizarte harremanetarako izena: Ikastolen Elkarteak.

Zer da 'europar kooperatiba':

- Europako Batasunak ebatzitako zuzentarau bati jarraiki mugaz gaineko kooperatibak ahalbidetzen dituen eredia da.
- Hego Euskal Herriko ikastola guztiak kooperatibak dira. Iparraldeko ikastolak ez dira kooperatibak.
- Euskal Herriko ikastola bakoitza da Ikastolen Elkarteko bazkidea.
- Euskal Herri mailan mugaz gaineko aitortza administratiboa daukan erakunde sozial bakarra da.
- Europar Batasunean sortutako bigarren europar kooperatiba da.



*NAFARROAKO IKASTOLEN ELKARTEA

**IPAR EUSKAL HERRIKO IKASTOLEN ELKARTEA

HERRI ONURA IZENDAPENA

1999KO EKAINAREN 15EAN, LAUDIO IKASTOLAREN BATZAR OROKORRAK KOOPERATIBAREN LEGEDIAK EZARRITAKO BALDINTZETARA EGOKITU ZITUEN ESTATUTUAK HERRI ONURA IZENDAPENA ESKURA ZEZAN.

2000ko maiatzaren 12az geroztik Herri Onura izendapena du Laudio Ikastolak Eusko Jaurlaritzako Justizia, Lan eta Gizarte Segurantzako Saileko Gizarte Ekonomiarako zuzendaritzak emana.

Izan ere herri onura izendapenaren bidez Eusko Jaurlaritzak Laudio Ikastolaren hezkuntza jarduera, Autonomia Erkidegoaren interes orokorrekoa eta irabazi asmorik gabekoa dela aitortzen du. Laudio Ikastola herriaren eta herritarren zerbitzura dagoela eta zerbitzu publiko bat eskaintzen duela, alegia.

ERKIDE

EUSKADIKO LAN ELKARTEEN, IRAKASKUNTZA ETA KREDITU KOOPERATIBEN FEDERAZIOA DA. LAUDIO IKASTOLA, IRAKASKUNTZA ARLOKO BESTE KOOPERATIBEKIN BATERA, ERKIDEREN BAZKIDEA DA.

Bere xede nagusien artean Lan Elkartuko Kooperatiben sektoreko erakunde ordezkaritza, defentsa eta sustapena burutzea ditu. Horrez gain informazio eta aholkularitza teknikoa, prestakuntza eta bestelako zerbitzuak eskaintzen dizkie bere partaideei.

IRAKASKUNTZA ARLOKO TALDEA

Irakaskuntzako Kooperatiben Taldea Euskal Autonomia Erkidegoko kooperatiba-titularitateko ikastetxeak ordezkatzan dituen erakundea da, eta 2007ko martxoaren 7an sortu zen legez, nahiz eta aurrez ere bazuen ibilbide bat egina.

Gaur egun Irakaskuntzako 80 Kooperatiba daude bertan, eta horietan 64.515 ikasle, 4.854 irakasle, 1.129 irakasle ez direnak eta 5.983 lanpostu.

Elkartearen helburu nagusia Irakaskuntzako Kooperatiben interesen adierazpide izatea da. Horrez gain Irakaskuntza Kooperatiben garapena sustatu nahi du taldeak, parte hartzea bultzatuz eta ERKIDERen politika orokorraren diseinuan eta garapenean lagunduz.



EGITURAKETA

LAUDIO IKASTOLA KOOPERATIBA IZAERA DUENEZ GERO, ERABAKIAK HARTZEKO LAN TALDEETAN ANTOLATZEN DA. BERTAN, GURASO, IKASLE ETA LANGILEAK ZUZENENAN ZEIN ORDEZKARIEN BIDEZ PARTE HARTZEN DUTE.



BATZAR OROKORRA

Ikastolako erabakimen organo gorena da.

Urtero biltzen da ohiko deialdian eta ez-ohiko deialdian, hala beharrezkoa denean.

ARTEZKARITZA KONTSEILUA

Batzar Orokorrak hautatzen du. Batzar Orokorraren erabakiak eta Urteko Plana betearazteaz arduratzen da. Bere partaideen artean Lehendakaria eta arduradunak hautatzen ditu. Zuzendaritza Taldearen aholkularitza du.

ZUZENDARITZA TALDEA

Urteko Plana eta Ikastolaren eguneroko martxa zuzendu, betearazi eta ebaluatzeaz arduratzen da.

KLAUSTROA

Ikastetxeko Hezkuntza Proiektuan oinarrituta, Ikastetxeko Curriculum Proiektu planifikatu, kudeatu, egikaritu eta ebaluatzeaz arduratzen da.

ETAPAK

HH, LH eta BH etapa bakoitzeko Urteko Plana landu, egikaritu eta ebaluatzen dute Zuzendaritza Taldeko partaide diren Ikasketa Buruen bidez.

IKASLEEN ORDEZKARIAK

Ikasgela bakoitzak bere ordezkariak aukeratzen ditu.

Gelako ordezkariak ikasleen nahi eta beharrak jaso eta tutoreei edo zuzendaritzari eramatzen dizkiete.

Horrez gain, Bigarren Hezkuntzako ordezkariak Ebaluazio Saiotara euren balorazioak eraman eta Eskola Kontseiluan parte hartzen dute.

ARTEZKARITZA KONTSEILUKO BATZORDEAK

Programa, eremu edo jarduera zehatzetarako lan taldeak: planifikazioa, garraioa, jantokia, matrikulazioa, euskara, eskolaz kanpoko ekintzak...

ESKOLA KONTSEILUA

Ikastolako Ordezkaritza Organo Gorena eta Artzezkari-tza Kontseiluaren osagarria. Izan ere, Laudio Ikastola gurasoen kooperatiba izateaz gain, hezkuntza komunitatea ere bada. Beraz, hezkuntza alderdiei lotutako hainbat erabakiak hartzeko eta gai horiei buruzko eztabaida gune izateko ikasle, guraso, irakasle, langile ez irakasle eta Ikastolaren titularren ordezkariak biltzen dituen organoa da.



PARTAIDETZA

IKASTOLAKO PARTAIDETZA FOROAK

FAMILIEN LANKIDETZA EGUNEROKO
FUNTZIONAMENDUAN:

IKASTOLAREN FUNTZIONAMENDUAK
PLANTEATZEN DITUEN ERABAKI NAGUSIAK
KOOPERATIBA EGITURAKETAK EBAZTEN
DITU ETA BERTON FAMILIEK DUTE HITZA ETA
ERABAKIA.

Batzar Orokorrean adosten dira urteroko lanaren ildo nagusiak eta ondoren, egunerokoan, Artezkaritza Kontseiluan, Eskola Kontseiluan edo batzorde ezberdinetan bideratzen dira.

Jarduera pedagogikoari dagokionez, ikasmilako guraso bilerek informazio eta kontrasterako foroa eskaintzen dute. Formakuntza aukerak ere eskaintzen zaizkie familiei hezkuntza jardunaldi, guraso eskola eta hitzaldien bidez.

GELAKO GURASOEN ORDEZKARIAK

Ikastolako komunitate osoaren arteko komunikazioa erraztea eta eguneroko funtzionamenduan partaidetza areagotzeko helburuarekin, ikastalde bakoitzeko Gurasoen Ordezkariek izendatzen dira, Guraso Ordezkarien Batzarraren bidez Ikastolako Artezkaritza Kontseiluarekin elkarlanean aritzen direnak.

Ordezkarien zeregin nagusia beraien gelako gurasoen artean informazioa zabaltzea eta ikasturtean zehar sortzen diren ekimen ezberdinetan partaidetza dinamizatzea da.

INFORMAZIO KANALAK - FAMILIEKIN KOMUNIKATZEKO PROZEDURAK

GURASO ETA IKASLEEKIN KOMUNIKATZEKO HAINBAT PROZEDURA ETA BIDE DITU IKASTOLAK. PROZEDURA ETA BIDE HORIEN HELBURUA FAMILIA ETA IKASLEEKIN INFORMAZIOA ELKARTRUKATZEA ETA BERAINGANDIK IRITZI, PROPOSAMEN ETA HOBEKUNTZAK JASOTZEA DA.

Bi motako komunikazio kanalak bereizten ditugu:

1.-INFORMAZIO PERTSONALA

Eguneroko gorabeheren komunikazioa da.

Egunerokoan gertatzen den edozer lehenbailehen jakinaraztea oso inportantea da, bai Ikastolan irakasleek behatutakoa, bai etxean gertatu eta tutoreak jakin beharrekoa, esate baterako, gaixotasunak, istripuak, portaera arazoak... Holakoetan kanal zuzenena telefonoa da. Bestelako bideak dira ohar idatziak edota ikaslearen agenda. Kasu guztietan helburua informazioa modu azkarrean helaraztea da.

-TUTORE-GURASO ELKARRIZKETAK

Ikasturtean zehar, beharrezkoa denean, tutore, guraso eta ikasleak elkartu egiten dira ikasturtea nola doan komunikatzeko eta egon daitezkeen arazoak bideratzeko.

-EBALUAZIO TXOSTENAK

Oro har, ebaluazio bakoitzaren amaieran, ikaslearen kalifikapenak eta bestelako balorazioak jasotzen dituzten ebaluazio txostenak jaulkitzen dira.

-ALEXIA PLATAFORMA

Ikastolaren barruko komunikaziorako tresna digitala da. Berton familiek ikasleen ebaluazio txostenak eta ikastolako fakturazioa kontsulta dezakete.

2.- INFORMAZIO OROKORRA

-IKASMAILAKO BILERAK

Ikasturtearen aurkezpena, balantzea eta datorren ikasturteari begirako orientabideak eskaintzeko asmoz antolatzen dira.

-ZIRKULAR INFORMATIBOAK

Ikastolaren egunerokoan sortzen diren gaien berri ematen dute: Eskolaz Kanpoko Ekintzak, jantokia, garraioa, bekak, ekintza puntualak... posta elektronikoz eta Alexia plataformaren bidez bidaltzen dira.

-IKASTOLA ALDIZKARIA

Ikastolen Elkarateak argitaratutako hilabetekaria da. Ikastolen mugimenduaren jarduerari buruzko informazioa ematen du.

-INFORME OROKORRAK ETA BARNE BULETINAK

Batzar Orokorretarako prestatzen dira. Kooperatibak organo honen bidez aztergai izaten dituen gaien inguruko informazioa ematen du: ekonomia, Artezkaritza Kontseiluaren osaketa, proposamen berriak... Era berean, asebetetze inkesten laburpena eta barne buletinak banatzen dira: ikasturterako eskolaz kanpoko ekintzen egitaraua eta Laudio Txikiko gela bakoitzerako argibide zehatza -Seaska, Katuka eta 2 urteko egokitzapena-.

-IKASTOLAREN WEB GUNEA: WWW.LAUDIOIKASTOLA.EUS

Bertantxe duzue gida honetan azaltzen zaizun guztia eta Ikastolak argitaratzen dituen guraso ohar, menu orri eta txostenak. Horrez gain, aldiro-aldiro, Ikastolan sortutako albisteak edo egindako eta programatutako ekintzen irudiak eskaintzen ditu. Bisita ezazu.

-SARE SOZIALAK

ARRETA ZUZENA

FAMILIEN LANKIDETZA EGUNEROKO HOBEKUNTZAN:

Ikastolako langileok gure lana ahalik eta ondoen egiten saiatzen gara, baina, logikoa denez, zer hobetu badugu. Ikastolako zerbitzuen erabiltzaile zaretenok etengabeko hobekuntzan paper garrantzitsua jokatzen duzue, egiten dituzuen iradokizun eta kexen bitartez. Horiek jaso eta bideratzeko sistema ezarrita daukagu ikastolan:

Lehenengo eta behin, kexa edo iradokizuna dagokion gai edo arloaren arduradunari aurkezten zaio: alderdi pedagogiko edo akademikoari lotutakoen kasuan, tutoreari; garraio, administrazio edo eskolaz kanpoko ekintzei buruzkoak, idazkaritzan; jantokiari buruzkoak jantokiko arduradunari.

Iradokizun edo kexak arduradun zuzenen eskumena gainditzen badu edo aurreko mailetan behar bezalako erantzuna jaso ez duzuela uste baduzue, kexa edo iradokizuna ikasketa buruei, Artezkaritza Kontseiluko kideei edo zuzenean zuzendari orokorrari bidali ahal diezue. Azken honi zuen iradokizun edo kexa bidaltzeko idazkaritzara ekarri edo posta elektronikoaz bidali:

zuzendaria@audioikastola.eus

Jasotako kexa eta iradokizun guztiei ahalik eta eperik laburrenean (aste bete) erantzuteko konpromisoa hartzen dugu. Batzuetan arazoak ez du berehalako soluziorik. Kasu horietan ere gaiari emango zaion trataeraz informatuko zaituztegu.



LAN KOOPERATIBOA

AUZOLANA

IKASTOLAREN IZAERAN, HEZKUNTZA GURASO KOOPERATIBA BEZALA MANTENDU NAHIAN, FAMILIA GUZTIEK IKASTOLA PROPIO BIZI BEHAR DUTE.

Ikastolako mantentze-lanek xede hau gauzatzeko aukera ematen dute auzolanaren bidez eta gainera ikastolako kuotek suposatzen duten zama arintzeko aukera ere badira.

Hortaz, Auzolanak Ikastolako mantenuarekin harremana duten lanetan laguntzeko aukera ematen du antolatutako lan txanda ezberdinen bidez, eta horrela inbertsio kuota berreskura daiteke.

Mantentze-lanetarako auzolan txandak margotze lanak, lorategien zaintza, jolas tokiak, e.a. mantentzeko erabiltzen dira. Ikasturte hasieran txanda hauetan parte hartzeko deialdia burutzen da eta bileran bertan urte osoko plangintza eta egutegia zehaztuko da, jendearen trebezia eta nahiak kontuan izanik. Ikastola arduratuko da txanda horiek aurrera eramateko materialaz.

Auzolanean aritutako familiek ikasturteari dagokion inbertsio kuota osoa edo zati proportzionala berreskuratzen dute emandako lan ordu kopuruaren arabera.

JANTOKIKO TXANDA

JANTOKI ZERBITZUAK ERE AUZOLANEAN ARITZEKO AUKERA ESKAINTZEN DU LAGUNTZAILE TXANDAREN BIDEZ.

Jantokia darabilten familia guztiei jantokiko eguneroko garbiketa lanetan parte hartzea helburu duen txanda egitea egokitzen zaie ikasturtero. Txanda bete ezean, kuota osagarri bat ordaintzen dute.